

CUSSEGL GROND

Sessiun da favrer 2023

Incumbensa Schneider concernent l'analisa da l'istorgia dal faschissem e dal naziunalsocialissem en il chantun Grischun

La debatta davart il crap commemorativ per ils schuldads tudestgs crudads en l'Emprima Guerra mundiala, che sa chatta sin il santeri Daleu e ch'è vegnì construì sin basa da l'ideologia naziunalsocialistica, ha mussà che l'istorgia dal faschissem e dal naziunalsocialissem en il chantun Grischun – gist dal temp avant il cumenzament da la Segunda Guerra mundiala – n'è strusch respectivamain mai vegnida perscrutada ed analisada sistematicamain. Il crap commemorativ sin il santeri Daleu è mo in dals indizis che renvieschan al fatg, ch'igl existivan en il Grischun ideologias faschisticas e naziunalsocialisticas u almain simpatias per talas – gist tuttina sco l'opposiziun cunter talas. Ed er l'istorgia da las victimas e da las persunas pertutgadas sto vegnir examinada respectivamain raquintada pli detagliadamain.

Cun l'analisa scientifica da l'istorgia da las victimas da mesiras repressivas per motivs da provediment ha il chantun Grischun analisà exemplaricamain in chapitel stgir da ses passà. Il medem duai il chantun ussa far cun l'analisa da l'istorgia dal faschissem e dal naziunalsocialissem en il chantun Grischun.

Perquai incumbenseschan las sutsegnadras ed ils sutsegnaders la Regenza da laschar analisar scientificamain – en il rom d'in project da perscrutaziun complessiv – l'istorgia dal faschissem e dal naziunalsocialissem en il chantun Grischun cun l'accent sin il temp avant il cumenzament da la Segunda Guerra mundiala.

Cuira, ils 15 da favrer 2023

Schneider, Hofmann, Danuser (Cuira), Bachmann, Bardill, Baselgia, Bergamin, Berther, Bischof, Brunold, Cahenzli-Philipp (Vaz Sut), Claus, Collenberg, Degiacomi, Derungs, Dietrich, Epp, Furger, Gansner, Gartmann-Albin, Gredig, Hoch, Jochum, Kohler, Kreiliger, Loepfe, Maissen, Mani, Mazzetta, Müller, Nicolay, Pajic, Perl, Pfäffli, Preisig, Rettich, Righetti, Rusch Nigg, Rutishauser, Saratz Cazin, Spagnolatti, von Ballmoos, Zanetti (Sent), Zaugg-Ettlin